



Bou ons kinders vir môre

Sondagskool 1

Lestitel: Die apostels bely hul sender, Jesus Christus

'n Ouerhandleiding

Sondagskooltuisonderrig



Liewe Ouer

Welkom by die les: **“Die apostels bely hul sender, Jesus Christus”**

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Die apostels bely hul sender, Jesus Christus
Bybelwoord	Handelinge 2: 42 - 47, Handelinge 3 en Handelinge 4: 1 – 23
Lesdoelwit	Die kinders leer hoe die eerste apostels, met groot ywer en groot geloofsoortuiging, in Jesus se naam gewerk het.

Lesopsomming:

- Vanaf die eerste Pinksterfees, na Christus se hemelvaart, het 'n apostoliese gemeente in Jerusalem bestaan.
- Die apostels het elke dag die evangelie van Jesus Christus in die tempel verkondig
- Op 'n dag het die Apostel Petrus 'n verlamde man by die tempelpoort genees
- Die genesing van hierdie man het groot opgewondenheid veroorsaak onder diegene wat die tempel besoek.
- Apostel Petrus en Johannes is gearresteer en het oornag in die gevangenis deurgebring.
- Hulle het Jesus Christus met vrymoedigheid en in die openbaar bely, alhoewel die Joodse Raad hulle beveel het om op te hou.
- Hulle antwoord: Dit is onmoontlik vir ons om nie te praat oor alles wat ons ervaar, gehoor en gesien het nie.
- Vandag bedien apostels weer in die naam van Jesus Christus en verkondig hulle God se woord aan ons met oortuiging en geloof.

Wat beteken hierdie les vandag vir ons?

- Net soos die apostels, moet ons nie bang of skaam wees om die evangelie van Jesus Christus te bely nie.



Sommige vrae wat ons kan vra:

1. Vraag: Wat het na Pinksterdag gebeur?

Antwoord: 'n Apostoliese gemeente is gestig.

2. Vraag: Wat was die name van die apostels?

Antwoord: Petrus en Johannes

3. Vraag: Wie is by die poort van die tempel genees?

Antwoord: 'n Verlamde man

4. Vraag: Wat het met die apostels gebeur omdat hulle Jesus Christus bely het?

Antwoord: Hulle is oornag in die tronk gesit / hulle is gearresteer

5. Vraag: Wat het voor die Joodse Raad gebeur?

Antwoord: Hulle het aangehou om met vrymoedigheid in die openbaar Jesus Christus te bely

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen